



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 23/743	Løpenr: 23/9030
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	14.09.2023	068/2023

Faste saker

14.09.2023 Kommunestyret:

Handsaming i møtet:

Eventuelle merknader til protokollen frå førre møte:

Ingen merknader.

Ordføraren orienterer:

Ingen saker.

Rådmannen orienterer:

Orientering ved rådmann Ove Sæbø:

- **Montering av leikeapparat ved barneskulen.** Rådmannen viste til kommunestyret sitt vedtak 15.06.2023 om løyving av inntil 200 000 kroner til montering av innkjøpte leikeapparat på barneskulen. Rådmannen orienterte om at administrasjonen no har henta inn tilbod på dette arbeidet, og at tilbodet er på 480 000 kroner. Det manglar derfor finansiering til å kunne setja i gang dette arbeidet.
- **Tilskot til kjøp av varmepumpe.** Rådmannen viste til kommunestyret sitt vedtak 15.06.2023 om løyving på 700 000 kroner til søknadsordning for tilskot til kjøp av varmepumpe. Det har kome inn 32 søknader. Handsaminga av søknadene er godt i gang og søkjarane vil truleg få svar i løpet av den neste veka.
- **Ny innbyggjarportal (heimeside).** Det er starta opp eit fellesprosjekt med ny innbyggjarportal for kommunane i IKT Nordhordland-samarbeidet. Forventa lansering er i løpet av 2024.
- **Rettleiingsprosjekt i regi av Bufdir.** Rådmannen orienterte om status for dette prosjektet, som Samnanger er med i. Prosjektet blir avslutta hausten 2024.
- **Budsjett 2024.** Rådmannen orienterte om status for budsjettarbeidet. Det blir truleg eit budsjettseminar for kommunestyret 05.10.2023, før formannskapsmøtet same dag.
- **Beredskapsanalyse for brannvern i Samnanger.** Rådmannen orienterte om kva analysen skal omfatta og om status for analysearbeidet.

Orientering ved kommunalsjef samfunnsutvikling, Hilde-Lill Våge:

- **Status eining for teknisk forvaltning.** Einingsleiar Ragnhild Lønningdal har sagt opp stillinga si, og sluttar i kommunen i slutten av november. Stillinga som byggesakshandsamar står òg ledig. Det vil i løpet av kort tid bli lyst ut to stillingar i eininga (kommuneplanleggjar og byggesakshandsamar). Einingsleiardelen vil bli lagt til byggesakshandsamarstillinga.
- **Husleige Reistadliane 41.** Den nye omsorgsbustaden i Reistadliane 41 er no så og seie ferdig og klar for innflytting. Sak om fastsetjing av husleige for bustaden vil koma opp i kommunestyret i oktober.
- **Husleige for fysioterapeut.** Sak om fastsetjing av husleige ved Samnanger helsetun for ny privatpraktiserande fysioterapeut vil koma opp i kommunestyret i oktober.

Orientering ved næringsutviklar Joachim Mathisen:

- **Sak om mobilmast Rolvsvåg.** Saka vil bli lagt fram for politisk handsaming så snart administrasjonen har fått tilbakemelding frå Bergen kommune på førespurnaden om dei kan vera med på eit spleiselag.
- **Sak om drivstoffanlegg på Tyssekaia.** Administrasjonen ventar på uttale frå brannvesenet. Saka vil bli lagt fram til politisk handsaming når uttalen ligg føre.
- **Sal av Erikajorda.** Orientering om status i saka. Administrasjonen er no i dialog med dei tre interessentane som har meldt seg.
- **Bustadtomter i Rolvsvåg.** Tomtene har vore lagt for sal, men det har ikkje vore stor interesse for å kjøpa tomter i Rolvsvåg. Næringsutviklaren stilte spørsmål til kommunestyret om tomtene eventuelt kan gjevast vekk (gratis) mot at dei som får tomtene forpliktar seg til å byggja og busetja seg på tomtene innan to år. Ordførar Knut Harald Frøland (Bl) foreslo at kommunestyret ber rådmannen om å få opp ei sak om bustadtomtene i Rolvsvåg. Kommunestyret slutta seg til dette forslaget.
- **Bustadundersøking.** Joachim Mathisen presenterte resultat frå bustadundersøkinga som nyleg er gjennomført blant innbyggjarar i alderen 50 år og eldre i kommunen. Kopi av presentasjonen av resultatet av undersøkinga følgjer som vedlegg til møteprotokollen.

Orientering ved einingsleiar livsmeistring, Laila Grønn-Jensen:

Laila Grønn-Jensen orienterte om arbeidet med barn, ungdom og familiar i Samnanger, mellom anna:

- **Midlar til kompetanseheving.** Kommunen har fått 275 000 kroner frå Bufdir til kompetanseheving. Midlane blir brukt til kursing for tilsette i både skule, barnehage, helsestasjon og barneven.
- **Tiltak for å bekjempe relativ fattigdom.** Orientering om arbeidet med å følgja opp vedtaket som kommunestyret gjorde 15.06.2023.
- **Tverrfagleg samarbeid.** Fokus på samarbeid mellom einingane og effektiv bruk av ressursane.

I tillegg orienterte Laila Grønn-Jensen om status for arbeidet med utgreiing om eventuelt NAV-samarbeid med andre kommunar.

Orientering ved kommunalsjef oppvekst, Irene Ullensvang:

- **Oppdrag og mandat for oppvekstområdet.** Presentasjonen ho viste i møtet ligg som vedlegg til møteprotokollen. Til slutt i orienteringa viste ho ein kort film med eksempel på spørsmål som ungdom har sendt inn til Ung.no.

Val av setje-varaordførar:

På bakgrunn av at varaordførar Øyvind Røen (Sp) hadde forfall til kommunestyremøtet 14.09.2023, foreslo ordførar Knut Harald Frøland (Bl) at Karl Bård Kollbotn (Frp) gjekk inn som setje-varaordførar i resten av møtet. Kommunestyret slutta seg samrøystes til dette.

Spørsmål:

Utleige av gymnastikksalen i Vassloppa barnehage

Ove Totland (BI) las opp spørsmålet han hadde meldt inn til møtet, om utleige av gymnastikksalen i Vassloppa barnehage til lag og privatpersonar. Spørsmålet ligg ved møteinnkallinga. Rådmann Ove Sæbø svara.

Kantklipping langs kommunale vegar og fasadevask på kommunehuset

Ordførar Knut Harald Frøland (BI) viste til at Odd Arne Haga (Frp) i sak 051/2023 (Faste saker) i formannskapet 31.08.2023 sette fram framlegg om at det må utførast kantslått langs alle kommunale vegar og vask av fasadane på kommunehuset. Det vart i formannskapet avklart at dette kunne takast opp som interpellasjon i kommunestyret. Ordføraren foreslo i kommunestyret at forslaga vart handsama som spørsmål. Etter dette orienterte rådmann Ove Sæbø om status for kantklipping langs kommunale vegar. Han orienterte òg om at det er henta inn pristilbod på fasadevask av kommunehuset, men at det ikkje er midlar til dette i driftsbudsjettet i år.

Spørsmål om ukrainske elevar

Linda Haug Kollbotn (Frp) las opp fire spørsmål om ukrainske elevar ved skulane i Samnanger. Spørsmåla var òg sendt til rådmannen før møtet. Kommunalsjef Irene Ullensvang svara på spørsmåla.

Informasjon frå møte med Skyss 10.08.2023

Oskar Røen (MDG) viste til møte mellom kommunen og Skyss 10.08.2023, og ønska meir informasjon om dette møtet. Ordførar Knut Harald Frøland (BI) svara. Han viste òg til referatet frå møtet som låg ved møteinnkallinga til kommunestyret 14.09.2023.

Interpellasjonar:

Følgjande interpellasjonar vart handsama i møtet:

- Interpellasjon om uteområdet på ungdomsskulen
- Interpellasjon om vassinntak i industriområdet i Rolvsvåg
- Interpellasjon om fylkesvegar i Samnanger kommune

Informasjon om handsaminga av interpellasjonane går fram av sakspapira for dei ulike interpellasjonane (RS 1 og RS 2). Unnateke frå dette er interpellasjonen om fylkesvegar i kommunen. Handsaminga av og vedtaket i denne interpellasjonen er lagt inn nedanfor.

Interpellasjon om fylkesvegar i Samnanger kommune

Ordførar Knut Harald Frøland (BI) orienterte om at han ønska å ta opp og få handsama ein interpellasjon om fylkesvegar i kommunen, der han hadde eit framlegg til vedtak. Ingen i kommunestyret motsette seg å ta dette opp som interpellasjon. Knut Harald Frøland orienterte innleiingsvis om spørsmål han hadde sendt til fylkeskommunen, og om fylkeskommunen sine svar på spørsmåla. Knut Harald Frøland sette fram følgjande framlegg til vedtak:

"Rådmannen får i oppdrag å vurdere kva samarbeidsavtalar som kan vera aktuelle å inngå med Vestland fylkeskommune kring diverse arbeid på og langs fylkesvegane. Det skal i vurderingane inngå kva kostnader og forpliktingar dette vil ha for samarbeidspartane. Kommunestyret ber om å få sak til handsaming i det første formannskapsmøtet og kommunestyremøtet i 2024."

Framlegget vart samrøystes vedteke.

Det vart til røysta over rådmannen sitt framleg til vedtak i sak 068/2023 (Faste saker). Framlegget til rådmannen vart samrøystes vedteke, med tillegg av dei vedtaka kommunestyret hadde gjort undervegs i handsaminga av saka.

KS- 068/2023 Vedtak:

Orienterings-/referatsaker vert tekne til orientering.

Kommunestyret ber rådmannen om å få opp ei sak om bustadtomtene i Rolvsvåg.

Rådmannen får i oppdrag å vurdere kva samarbeidsavtalar som kan vera aktuelle å inngå med Vestland fylkeskommune kring diverse arbeid på og langs fylkesvegane. Det skal i vurderingane inngå kva kostnader og forpliktingar dette vil ha for samarbeidspartane. Kommunestyret ber om å få sak til handsaming i formannskapet i første kommunestyremøte i 2024.

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Spørsmål og interpellasjonar.